

Na osnovu člana 20., stav (4) Zakona o razvojnom planiranju i upravljanju razvojem u Federaciji Bosne i Hercegovine ("Službene novine Federacije BiH", br. 32/17), člana 17. Uredbe o izradi strateških dokumenata u Federaciji Bosne i Hercegovine ("Službene novine Federacije BiH", br. 74/19), te na osnovu člana 55. Statuta Općine Ilijaš ("Službene novine Kantona Sarajevo", br. 20/09 - prečišćeni tekst i 46/18) i člana 99. Poslovnika o radu Općinskog vijeća Ilijaš ("Službene novine Kantona Sarajevo", br. 2/10, 18/15 i 7/19), Općinsko vijeće Ilijaš na svojoj 15. sjednici, održanoj dana 23.03.2022. godine, **d o n o s i:**

ZAKLJUČAK

Član 1.

Utvrđuje se Nacrt "STRATEGIJE RAZVOJA OPĆINE ILIJAŠ ZA PERIOD 2021.-2027. GODINE" i stavlja se u provođenje procesa konsultacija.

Član 2.

Nacrt "STRATEGIJE RAZVOJA OPĆINE ILIJAŠ ZA PERIOD 2021.-2027. GODINE" se stavlja u provođenje procesa konsultacija, kako slijedi:

- objavom putem "web" stranice Općine Ilijaš (<http://www.ilijas.ba>),
- dostavom partnerskim organizacijama i institucijama,
- javnim uvidom u sali Općinskog vijeća (zgrada Općine - treći sprat), svim radnim danima u vremenu od 14:00 h do 16:00 h,
- organizacijom "online" konsultacija na dan 12.04.2022. godine od 10:00h do 13:00h.

U procesu konsultacija mogu učestvovati: svi građani općine Ilijaš kao pojedinci, mjesne zajednice, udruženja građana, NVO sektor, javne ustanove, javna preduzeća, privrednici, razvojne agencije i druga zainteresirana fizička i pravna lica, odnosno interesne grupe.

Član 3.

Proces konsultacija na Nacrt "STRATEGIJE RAZVOJA OPĆINE ILIJAŠ ZA PERIOD 2021.-2027. GODINE" će trajati 30 dana od dana stupanja na snagu ovog Zaključka.

Član 4.

U datom periodu svi zainteresirani subjekti mogu dostaviti primjedbe i prijedloge prema Komisiji za izradu Strategije razvoja Općine Ilijaš za period 2021.-2027. u pisanoj formi ili putem e-mail-a: strategijarazvoja@ilijas.ba.

Primjedbe i prijedlozi dostavljeni poslije utvrđenog roka iz člana 3. ovog Zaključka, neće biti uzeti u razmatranje.

Član 5.

Ovaj Zaključak stupa na snagu danom objave u Službenim novinama Kantona Sarajevo".

Broj: 01/1-02-602-18/22.
Ilijaš 23.03.2022.



PREDSJEDAVAJUĆA
Općinskog vijeća Ilijaš

Alma Omerović, BA nov.